


古今原始木



古今原始第四卷

桐城趙鈇鼎卿著

○商成湯

伊尹耕于有莘之野而樂堯舜之道湯三使人聘之

按聘召處士始此

成湯放桀于南巢代夏政

按以臣伐君始此雖順天應人實萬世之口實也或曰易其君而更立賢者則何如曰必

有不可得而辭者

王歸自克夏至于亳誕告萬方作湯誥

按作誥始此

大旱七年湯使太史占之曰當以人禱廼請自當以身為犧牲禱于桑林之野以六事自責遂雨

按禱雨始此

殷公田籍而不稅

籍民力以治公田多寡取於此不稅民之所

自治所謂助法也

湯遭旱作土龍

土龍始於湯作以致雨也

十國以為連連有帥

稱帥始于殷

伊尹曰七世之廟可以觀德

七廟之文始見于此

初作園取禽獸以奉宗廟

按園圃始於此

原如 第四卷
改丑為正朔易服色尚白

按有天下者必改朔易制度始此

築五庫藏五兵

此庫所由始也天有天庫藏庫之星故王者立五庫古謂庫兵車所藏帑金帛所藏府圖書所藏後皆曰庫

定朝會以書

按以書臨朝始此

建天官先六太曰太宰太宗太史太祝太士太

卜典司六典

以太命官般制已有之

制官刑儆于有位

訓官始此

殷武箋云成湯之時氏羗遠夷之國來獻來見

曰商王是吾常君

氏羗來獻始於此

伊尹為草蓍

即今之麻鞋也秦以絲為之凡娶婦之家先

下鞋取和諧之意後因之

立五官曰司徒司馬司空司士司寇典司五衆

司徒司馬司空司寇般官也不始于周

立六工曰土工金工石工木工獸工草工典司

六材

此商制也周皆屬之司空

制六府曰司土司木司水司草司器司貨典司

六職

司器角人也司貨鼎人也周皆屬司徒

制復與書銘自天子達於士其辭一也男子稱

名婦人書姓與伯仲

書制始見於殷

○商太甲

惟元祀十有二月乙丑伊尹祠于先生奉嗣王

祗見厥祖侯甸群后咸在百官總已以聽于冢

宰

按天子亮陰冢宰攝政其制始此始有冢宰

之名

伊尹明言烈祖之成德以訓于主

始有訓

以伊尹為保衡

即太保之官也

嗣王不惠于阿衡伊尹作書三篇陳戒于主

人臣上書之始

王祖桐宮居憂三年處仁遷義伊尹以冕服奉

嗣王復歸于亳

按免喪復辟始此

伊尹既復政厥辟乃告歸

按大臣求退始此

○商太戊

遠方重譯而至

自是有譯語

○商仲丁

遷都于囂

按遷都始此

○商盤庚

遷都于殷改號曰殷

商之稱殷始此自古無有改國號者此古今一見也

盤庚曰大享先王爾祖其從與享之

功臣配享商已行之矣

大禘者合毀廟之主與未毀廟之主皆合食于太祖五年再祭

此殷法也周三年一禘

○商陽甲

始廢嫡立庶

按嫡庶爭立自此始

○高宗祖乙

王宅憂亮陰三年

始見亮陰

夢帝賚良弼以象得傳說于版築

以夢用人見于此漢文廼以鄧通入夢抑天所爲乎

○商武丁

章服多用翟羽

按蠻夷編髮來朝者六國用所貢為章服故翟羽之用始此

○商帝乙

命季歷為牧師

馬政始于此

命周公季伐翳徒之戎王賜之圭瓚秬鬯為侯伯

周封伯得專征伐始此

立季子辛為王

按紂之立以母后也後世立子以嫡不以長始此夫立長則嫡庶易位亂道也故先王重嫡貴貴也曰受何以亡殷然則以賢乎曰立愛而楊廣亡隋曰然則當何如曰天與嫡則與嫡天與長則與長置重器可亡擇地乎有權焉有數焉非人也天也

○商紂

始為象箸

紂爲象箸箕子憂之今編民且奉以朝夕傷
哉象以齒胎禍始見于此

以胥餘爲太師

太師之名見此

紂欲作重刑廼先作大熨斗使火熨之

熨斗始於此

始爲炮烙之刑

按刑至此極矣猶後有炙甕錫蛇鐵鐸等刑
惟恐無以勝民老子曰民不畏死柰之何以

死懼之旨哉

微子曰父師少師殺其弗或亂正四方

少師商已有之

紂爲勤杯

杯始于紂

紂無道王子比干諫之不聽殺之

按殺諫臣始此

紂以紅藍花汁凝作脂以燕地所生名曰燕脂
作桃紅粧

原如
第...
膳脂紂所為也

紂造鉛粉

女人始傅粉為飾

使師延為北里之舞靡靡之樂作空侯一曰坎

侯

空侯始見于此

古今原始第四卷終

古今原始第五卷

桐城趙鈇鼎卿著

○周

公劉度其原隰徹田為糧

周之徹法自此始其後周公因而修之耳

太王居邠狄人侵之去之岐山之下居焉

避亂遷國始此

古公生少子曰季歷歷生昌有聖瑞古公曰我

世當有興者其在昌乎長子泰伯虞仲亡如荆

蠻文身斷髮以讓季歷

讓國始見于此

文王忌日必哀

禮云君子有終身之憂忌日之謂也忌始于周乎

文王爲世子朝于王季日三

始有世子之稱春秋稱王世子會于首止又稱晉太子申生則天子之子或稱世子或稱太子未有定也

周文王在岐用平土之法以爲治人之道地著爲本故建司馬法交尺爲步步百爲畝畝百爲夫夫三爲屋屋三爲井井十爲通通十爲成成十爲終終十爲同同方百里同十爲封封十爲畿畿方千里民受田上田夫百畝中田夫二百畝下田夫三百畝歲耕種者爲不易上田休一歲者爲一易中田休二歲者爲再易下田休三歲更耕之自爰其處農民戶人已受田其家衆男爲餘夫亦以口受田如此士工商家受田五口

乃當農夫一人此謂平土可以爲法者也若山林藪澤原陵淳鹵之地各以肥磽多少爲差民年二十受田六十歸田七十以上上所養也十歲以下上所長也十一以上上所強也

此周之平土法也視二代爲最詳

文王伐崇鞮繫解

鞮自商時已有之至魏文帝吳妃始裁縫以綾爲之卽今製也

親迎于渭造舟爲梁

舟梁卽今之浮橋也文王始作而用之

文王以民力爲沼曰靈沼

沼始著於此

文子世子云古者庶子之官治而邦國有倫

庶子周之官也

文子世子天子視學大昕鼓召所以警衆也衆至然後天子至命有司行事興秩節祭先師先聖

此視學之始先師先聖之稱其來久矣不知

何所指

文子世子云凡三王教世子必有禮樂立太傅少傅以養之太傅在前少傅在後入則有保出則有師

通典曰太子師保二傅殷周已有

周武王

惟十有三年春大會于孟津

會師始此

武王伐商至孟津命蒼兕具舟楫

水戰周時有之而大用於吳楚

立七十一國封兄弟之國十五人姬姓之國四十人列爵爲公侯伯子男

按後之分封同姓寔肇於此

周受命封建宗盟始選其宗中之長而董正之曰宗正

宗正官名始此

表商容之間

旌表門閭至此始見

封比干之墓

按此為封墓之始也

周公作九章筭術

一方田二粟米三差分四少廣五均輸六方
程七傍要八盈不足九鈎股所謂九數也

作酒誥曰群飲盡執拘以歸于周予其殺

禁群飲始于周

封黃帝之後於蓊帝堯之後于祝帝舜之後于
陳夏后氏之後于杞殷之後於宋

封前代帝王之後始見于此

封尚父於齊都營丘封周公于魯都曲阜封召
公于燕皆留相周

諸侯內相不之國見於此

虢仲虢叔為文王卿士勲在王室歲于盟府仲
封于東虢叔封于西虢

盟起於周

周公旦太公望啓制文王之謚遂定謚法

謚法起于此

祀于太廟始定事先之禮諱名立謚

祀先諱名始此

賤不誅貴幼不誅長惟天子稱天以誅之諸侯不得相誅

誅法亦起于周

柴望大告武成

祭有三曰告曰報曰祈此所謂告也後世告

成始於此

箕子避地朝鮮其國俗未有聞也乃施八條之

約使人知禁

後之條約本於此

武王伐紂伯夷叔齊扣馬而諫既平殷亂天下宗周伯夷叔齊耻之採薇首陽不食周粟卒以餓死

死義者于此見之

王克商袒冕搢笏諸侯象大夫魚鬚士以竹

笏自三代已有之車服儀曰古者貴賤皆執笏即後之手板也

封微子于宋作微子之命

按冊封誥命始于此

追王太王王季上祀先公以天子之禮

後世追祀上封號始此

孟春躬耕籍田

始見籍田此甸師所職也

作明堂郊祀后稷以配天宗祀文王于明堂以配上帝

夫事天於郊而復事上帝於明堂何天與帝

一也事於郊尊之也故用壇事於明堂親之也故用室事天而配以后稷事帝而配以文王何周之興也始於后稷故尊之以配天而文王以功德始受天命故親之以配帝配天不以文何不敢忘稷也宗祀文王而必以配帝何蓋孝莫大於嚴親嚴親莫大於配天配天既以稷而獨遺文王非嚴親也故祀文於明堂以配上帝兩崇之也是明堂者專爲文王設也有文王之親則可也夏商何以無可

以無而無者也後郊祀以祖宗配始此

稱王妃曰王后立六宮三夫人九嬪二十七世婦八十一御妻以聽天下之內治

按妃曰王后曰夫人曰嬪曰世婦曰御妻之號始于周

命上公九卿爲伯其國家宮室車旌衣服禮儀皆以九爲節諸侯諸伯七命其國家宮室車旌衣服禮儀皆以七爲節子男五命其國家宮室車旌衣服禮儀皆以五爲節王之三公八命其卿六命其大夫四命及其封也皆加一等其國家宮室車旌衣服禮儀亦如之

按宮室車旌衣服禮儀之節始見于此

封紂子武庚爲般侯使管叔蔡叔霍叔監殷

按立亡天下者之後僅見於此夫得其天下而不絕其世號仁人之用心遠且厚矣豈以天下爲悅哉自三叔監殷而後之監制之使皆原於此所以防亂也

王有疾周公爲三壇同墀植璧秉珪告太王王

季文王以身代武王之死

此禱疾之始也

太公望作曲蓋

漢云鞞輓

自天子至下士凡六等諸侯國君十卿祿卿四大夫祿大夫倍上士上士倍中士中士倍下士下士與庶人在官者同

此祿秩之所由始也前此無所攷見

○周成王

太公立九府圜法黃金方寸為重一斤錢圜渑方輕重以珠布帛廣二尺二寸為幅長四丈為疋故貨寶於金利於刀流於泉布於布束於帛

按周官有太府玉府內府外府泉府天府職內職幣職金皆掌財幣之官故云九府圜

王來自奄大降四國民命遷于洛邑

按遷民始此

立太師太傅太保為三公少師少傅少保為三孤

按公孤之官始於此

立天官冢宰使帥其屬而掌邦治

按自後官職始專屬天官卿矣

內史掌八枋之灋凡命諸侯及孤卿大夫則策命之

始有內史官名卽今之內制翰林之職也策

命見于此

用中士奠世繫

治世譜差序秩第卽唐之玉牒也

宰夫掌百官府之徵令五日府六曰史七曰胥八曰徒

按府史胥徒卽今之吏員也所謂庶人在官者至秦始有試吏入仕之途若漢之丙吉龔勝之類是也

外史掌四方之志掌三皇五帝之書掌達書名于四方若以書使于四方則書其令

外史猶今之外制卽舍人之職也四方始有志

御史掌邦國都鄙及萬民之治令以贊冢宰凡治者受法令焉

御史官名始於此卽柱下史也

司士下大夫二人中士六人下士十有二人掌群臣之版以德詔爵以功詔祿以能詔事以久奠食凡邦國三歲稽士任而進退其爵祿

此銓選之始也

司勳掌六卿地之法以等其功

卽後之稽勳部也

馮相氏掌歲月辰日星位辨其敘以會天位

按馮相氏之名始於此

保章氏掌天星以志日月星辰之變動辨其吉凶以五雲辨吉凶水旱隆豐荒之祲象以十有二風察和命妖祥以星土辨九州封域

按保章官名始於此此星野之說也

小宰聽閭里以版圖

始見版圖

王爲群姓立社曰太社自爲立社曰王社

太社王社之別始見于周

諸侯爲百姓立社曰國社諸侯自爲立社曰侯社

國社侯社始見于此

大夫以下成群立社曰置社

衆社所由始也

周官九命上公九命侯伯七命子男五命王之三公八命其卿六命其大夫四命其出封皆加一等

後官品用九本此

內府掌受九貢九賦九功之貨賄良兵良器以待邦之大用

自是有內府之藏

司會掌國之九府郊野縣都之百物財用凡在書契版圖者之貳以逆群吏之治而聽其會計會計之法莫詳于周

閤人掌守王宮之中門之禁凡內人公器賓客無帥則幾其出入以時啓閉凡外內命夫命婦

出入則爲之闕掌埽門庭大祭祀喪紀之事設
門燎蹕宮門寺人掌王之內人及女宮之戒令
相道其出入之事而糾之佐世婦治禮事

按闕寺之官始此

宮伯掌王宮之士庶子國子之倅凡在版者

按周制宮伯掌王宮之士則是王朝宿衛之
人皆公卿大夫士之子弟也

本朝用功臣子弟以為勲衛蓋亦此意

王爲庶姓立七祀曰司命曰中雷曰國門曰國

行曰泰厲曰戶曰竈王自立七祀

七祀始見於周

諸侯爲國立五祀曰司命曰中雷曰國門曰國
行曰公厲諸侯自為立五祀大夫立三祀曰族
厲曰行曰門適士立二祀曰門曰行庶士庶人
立一祀或立戶或立竈

後五祀始于此

內豎掌內外之通令

內豎奄人未冠之稱

古者有庶子之官周名曰諸子職諸侯卿大夫之庶子掌其戒令與其教理有大事則率國子而致於太子唯所用之

此太子庶子之官所由名也秦目之

九嬪掌婦學之法以教九御婦德言容婦各師屬而以時御敘王所

嬪婦人有法度之稱進御之法卑者宜先尊者宜後女御八十一人當九夕世婦二十七人當三夕九嬪九人當一夕三夫人當一夕

后當一夕凡十五日一徧惟其以四德之成者充其選故以時御敘而九御無險詖之行各帥其屬而九嬪有進賢之心此二南之風王化之本

女史掌王后之禮職掌內治之貳以詔后治內政

女史女奴曉書者後目之

立醫師疾醫瘍醫

按以醫設官始此

大司徒歲終則令教官正治而致事

注曰上其計簿簿書見于周

小司徒凡起役毋過家一人

田役至周始見

獸醫掌療獸病療獸瘍

獸醫始此

凌人掌冰政歲十有二月令斬冰三其凌

藏水之制始見於此

鄉大夫三年則大比考其道德行藝

大比周制也

膳夫掌王人食飲膳羞

即後之大官署也

大司徒掌人民之數小司寇大比登民數自生

齒以上登天府

此後之戶口也

大司徒制其畿疆而溝封之

即後之疆界也

井人掌金玉錫石之地而為之厲禁以守之以

時取之

井之為言礦也後之開礦始此

適東序釋奠于先老遂設三老五更之席位

三老五更各一人周制也

雞人夜嘒旦以詔百官凡國事為期則告之時

設雞人始見于此

太樂正論造士之秀者以告于王而升諸司馬

曰進士

此蓋進士之始也

周公采文王之世風化所及民俗之詩被之箎
絃以為房中之樂推之以及於鄉黨郡國

房中之樂所由始也

內宰中春詔后帥外內命婦治蠶于北郊以為
祭服

始見親蠶之禮按天子親耕籍于南郊以供

粢盛后親蚕于北郊以供祭服上以奉郊廟

下以化天下禮也魯語曰古者王后親織玄

紵公侯之大夫加之以紵縹卿之內子皆為

大帶命婦成祭服列士之妻加之以朝服自庶人以下皆衣其夫所謂率外內命婦以此詔之也

州長掌州之教治政令黨正掌黨之政令教治族師掌族之戒令政事閭胥掌閭之徵令比長掌比之治

按後之保甲里正始此

宰夫書其賢者與其良者以告于王

此貢舉之始也古者諸侯歲貢士其制不見

於經傳至周始著其後廢置因革皆不可考大抵古重而今輕古緩而今速也

司諫掌糾萬民之德而勸之朋友以詔廢置以行赦宥

司諫官名見此始稱朋友

媒氏掌萬民之判凡男女自成名以上皆書年月日名焉

媒氏之名見此但曰中春會男女奔者不禁則瀆禮甚矣

旄人掌教舞散樂夷樂凡舞士屬焉
誅師掌教誅樂

按誅東夷之樂先王用之所以昭王化也後之雜用胡樂亦未可盡非

鞀鞀氏掌四夷之樂與其聲歌

按旄人掌舞夷人之樂而鞀鞀氏以聲音節之皆用以彰聖德但古人惟用之門外若用之祭祀燕饗恐亂雅矣

立春官宗伯使帥其屬掌邦禮

宗伯始于此此後之禮曹也

周制大司樂云冬至日祀天於地上之圓丘夏至日禮地祇於澤中之方丘

祭用二至日始于周

以柴祀日月星辰日壇曰王宮月壇曰夜明

日月星辰之祀始見於此

以禋燔祀司中司命風師雨師

祀司中司命風雨始此

太宗伯以血祭祭五祀五嶽以貍沈祭山林川

澤

祭五嶽山川之文見於此

仲秋之月祭靈星于國之東南

始祭歲星

周制建巳月大雩五方上帝其壇曰雩宗

始見雩祭之制

以凶禮哀邦國之憂以喪禮哀死亡以荒禮哀
凶札以弔禮哀禍哉以禴禮哀圍敗以恤禮哀
寇亂

凶禮始詳見於此

以賓禮親邦國春見曰宗秋見曰覲冬見曰遇
時見曰會殷見曰同時聘曰問殷類曰視

朝覲會同之禮始詳見於此

以軍禮同邦國大師之禮用衆也大均之禮恤
衆也大田之禮簡衆也大役之禮任衆也大封
之禮合衆也

軍禮始詳見於此

周制冠禮筮日筮賓冠于阼醮於客位三加弥

尊已冠而字

冠而字周制也此諸侯大夫士之禮也

以嘉禮親萬民以飲食之禮親宗族兄弟以昏冠之禮親男女以賓射之禮親故舊朋友以饗燕之禮親四方賓客以服膳之禮親兄弟之國以賀慶之禮親異姓之國

嘉禮始詳見於此

太宗伯以九命正邦國之位九命者一受職再受服三受位四受器五賜則六賜官七賜國八

作牧九作伯

此九錫之所由始也在春秋說以車馬衣服

樂器朱戶納階虎賁斧鉞弓矢秬鬯謂之九

錫後世不能改

以玉作六器以禮天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方皆有牲幣各放其器之色

薦玉見此

小宗伯掌建國之神位

神位始見於此

太史掌建邦之六典凡辨法者攷焉

太史天子之日官也唐改爲司天監

周制諸侯學曰頴宮

頴宮者侯國之學也

行夫掌邦國傳遽之小事

即後之乘傳遞報者

大行人掌大賓之禮大客之儀以親諸侯小行

人掌賓客之禮籍以待四方之使者

行人之官始于此

禮記大傳曰四世而總服之窮也五世袒免殺同姓也六世親屬竭矣其庶姓別於上而戚單於下婚姻可以通乎又曰繫之以姓而弗別綴之以食而弗殊雖百世而婚姻不通者周道然也

不娶宗族自周始

司儀掌九儀之賓客擯相之禮以詔儀容辭令

揖讓之節

司儀官名始此

甸祝掌四時之田表貉之祝號

古者天子諸侯無事則歲三田其禮不可攷
見至周始著

掌舍掌王之會同之舍

會同有舍見於此

環人掌送邦國之通賓以路節達四方舍則授
館

持節授館達四方始見於此

司燿掌行火之政令四時變國火以救時疾

火政始見于此

司裘掌王后之六服褙衣褕翟闕翟鞠衣展衣
祿衣素紗辨內外命婦之服鞠衣展衣素紗

婦人章服制度於周見之

幕人掌共中幕

中幕見此

內宗掌宗廟之祭祀佐王后薦玉豆祗豆籩

祭祀用籩豆見此

都宗人掌都祭之禮家宗人掌家祀之禮

宗人官名始于此但後之所司不同

周制諸侯五廟大夫三廟適士二廟官師一廟庶人祭於寢

諸侯大夫士廟制始此

追師掌王后之首服爲副編次追衡筭爲九嬪及外內命婦之首服以待祭祀賓客

首飾制度於周見之

宗桃掌守先王公之廟桃其遺衣服藏焉

廟桃藏衣始見於此

巾車掌公車之政令辨其用與其旗物而等敘之一曰玉輅以祀二曰金輅以賓以封同姓三曰象輅以朝以封異姓四曰革輅以即戎以封四衛五曰木輅以田以封蕃國

輅至是有五矣

太祝掌六祝之辭以事鬼神示其福祥求未真小祝掌小祭祀詛祝掌盟詛類造攻說檜禁之

祝號作盟詛之載辭司巫掌群巫之政令女祝掌王后之內祭祀凡內禱祠之事

祝巫之職始見于此

女巫掌歲時祓除釁浴

祓除始於周見之

象胥掌蠻夷閩貉戎之國使掌傳王之言而諭

說焉以和親之

此後之鴻臚之官也秦曰典客漢曰鴻臚

牧人掌牧六牲以共祭祀之牲牲牛人掌養國

牲之公牛犬人掌犬牲羊人掌羊牲雞人掌共雞

蕃牧犧牲所之官所由設也

大僕掌正王之服位出入王之大命

大僕官名見於此

輿司馬

卽後之駕部魏晉之代始稱駕部郎

立藏史典簡策

始有藏書之制

太師執同律以聽軍聲而詔吉凶

軍中占候也古以律而後日以繁矣

司甲掌戈盾弓矢

即後之庫部魏始有庫部郎

立軍尉以討姦

後之太尉都尉中尉寔本於此

凡諸侯有四夷之功則獻捷于王王以敬于夷

中國則否諸侯不相遺俘

獻俘始于周見之

商枚氏掌司喚

商枚止喧周已有之

辛壺氏掌挈壺以令軍井挈轡以令舍挈釜以

之糧凡軍事縣壺以序聚櫟凡喪縣壺以代哭

之膏以水火守之分以日夜及冬則以大饗鼎

而沸之而沃之

壺氏官名始見於此

一、商氏掌蒙熊及黃金四目玄衣朱裳執戈揚

二、師百隸而時難以橐室毆疫大喪先匱及墓

以戈擊四隅毆方良

方相氏始於此

凡賁氏掌先後王而趨以卒伍軍旅會同亦如之

按虎賁天子之親兵也卽今錦衣以下十二衛專以扈從宿衛爲職也

旅賁氏掌執戈盾夾王車而趨左八人右八人車止則持輪

按周官既有虎賁又有旅賁亦猶今制錦衣

衛既有校尉又有將軍力士也

司弓矢掌六弓四弩八矢之法

弩三代時已有之

隸僕王行洗乘石掌蹕宮中之事

出警言入蹕始見於此

春祭馬祖執駒夏祭先牧頒馬攻牧特秋祭馬社歲牒冬祭馬步獻馬講馭夫

馬祖之祭始於此

司隸掌五隸之法帥民搏盜賊役國中之辱事

言官積任器

古有之後有司隸官名非其職也

以園土聚教罷民凡害人者寘之園土而施職
焉以明刑耻之其能改者反于中國不齒三
十其不能改而出園土者殺

園土即後之牢獄也獄必園者規主仁以仁
心求人情也越獄者死舊典也

以八辟
議賢四曰議貴
議親二曰議故三
曰議賢四曰議貴

勤八曰議賓

議之法始見於此

掌囚掌守盜賊凡囚者上罪梏拳而桎中罪桎
梏下罪梏

桎梏始見於此

有三赦一曰幼弱二曰老耄三曰蠢愚

幼弱者即後之年十三以下未出幼者老耄
即後之七十以上篤癡疾者蠢愚之議後未
之聞乃知古人之赦非今之赦矣

司寤氏掌夜時以星分夜以詔夜士夜禁御宵行者夜遊者

始有夜禁宵行與夜遊不同

司稽掌巡市

此巡市之始也

以荒政十有二聚萬民一曰散利二曰薄征三曰緩刑四曰弛力五曰舍禁六曰去幾七曰告禮八曰殺哀九曰蕃樂十曰多昏十一曰索鬼神十有二曰除盜賊

始見荒政

泉府掌以市之征布斂布之不售貨之滯於民用者以其賈買之物揭而書之以待不時而買者無者各從其抵都鄙從其主國人郊人從其有司然後予之凡賒者祭祀無過旬日喪紀無過三月凡民之貨者與其有司辨而授之以國服爲之自

賒貸之意始於此

司門掌授管鍵以啓閉國門幾出入不物者正

其貨

此門禁之始也

司關掌國貨之節以聯門市司貨賄之出入者
掌其治禁與其征屢

始有關禁

縣正掌其縣之政令徵比以頒田里以分職事
掌其治訟趨其稼事而賞罰之若將用野民師
田行役移執事則帥而至治其政令既役則稽
功會事而誅賞

始有縣名後縣令兆于此矣

遺人之職凡國野之道十里有廬三十里有宿
宿有路室路室有委五十里有市市有候館

按今二十里有舖舖有歇馬亭即路室之遺
事也六十里有驛驛有廩給卽候館之遺事
也

舍人掌平宮中之政分其財守以法掌其出入
始有舍人之名

方氏掌天下之圖辨其邦國都鄙四夷八蠻

閩九貉五戎六狄之人民與其財用九穀六
畜之數要周知其利害

職方官名始於此

上方氏掌土圭之法以致日景相宅建邦國都

師

始見相宅之法即後之形家者流也

中春教振旅師帥執提旅師執鼙公司馬執鐻
此馬上鼓也古者馬以駕車至是已有車騎
矣

